

Izjava ambasadora Upravnog odbora Vijeća za implementaciju mira “Pravosuđe na državnom nivou je ključno za napredak”

Ambasadori zemalja članica Upravnog odbora Vijeća za provedbu mira danas su još jednom izrazili snažnu podršku međunarodne zajednice Sudu BiH i Tužilaštvu BiH. Ove institucije imaju ključnu ulogu u promociji vladavine prava u BiH. Nedavni događaji u Unsko-sanskom kantonu pokazuju da niko ne može biti iznad zakona.

Upravni odbor je podsjetio da je Ustavni sud BiH izričito i nedvosmisleno potvrdio ustavnost Suda BiH i to se ne smije osporavati. Upravni odbor poziva sve strane da daju podršku Sudu BiH i Tužilaštvu BiH te da, u interesu stanovništva BiH, daju podršku vladavini prava u zemlji.

Upravni odbor konstatira da BiH mora dokazati svoju sposobnost da osigura efikasnu vladavinu prava kroz institucionaliziran pravosudni sistem, kako bi krenula u pravcu evropskih i euro-atlantskih integracija.